

**THU AWMTE**

- |    |                                |    |
|----|--------------------------------|----|
| 1. | Editorial .....                | 2  |
|    | <i>Sermon:</i>                 |    |
| 2. | Ringtu nun dan tur .....       | 3  |
|    | <i>Ram chhung Pastor-te:</i>   |    |
| 3. | Rawngbawlna Report .....       | 10 |
|    | <i>Article:</i>                |    |
| 4. | Mizote leh fa enkawl dan ..... | 28 |
|    | <i>Mission huang:</i>          |    |
| 5. | Mission rawngbawlna .....      | 32 |

**NOVEMBER THLA CHANG VAWN:**

Ring lo mite nen rual lo taka nghawngkaw! bat dunin awm  
suh u; suahsualna leh felnain engnge inṭawmna an neih? A nih  
loh leh thim leh êngin engnge inpawlna an neih?

II Korinth 6:14

*Shofar Chanchinbua thu chhuahte hi Editor  
ngaih dan a ni vek kher lo. —Editor*



## Editorial

*Ringtu han tih hian kan sakhaw vawn azirin kan inang lo viau thei ang. Kristian sakhuaah chuan Yeshua Messia ringa a hnung zuitute hi Ringtu kan tihte chu a ni. Mosolman sakhuaah chuan Mohamed-a zirtirna zawmtu leh amah zuitute chu Ringtu an ni leh mai a. Hindu sakhuaah chuan an Sakhaw Lehabu hrang hrangin zirtirna a sawite leh pathian anga an rinte zuitu leh zawmtute chu Ringtu an ni leh mai baw k a ni. Mahni sakhaw zui lote chu Ring lo mi kan intihsak leh mai a ni.*

*Yeshua thihna leh thawhlehna ringa a hnung zuitute hi Ringtu chu kan ni a. Chu ringtu chuan a nunah a hnung a zuia tih dan leh nun dan anga awm tur kan ni.*

*Lal Yeshua ringtu chuan a dubzawng kan bria, kan nun dan tur pawh ziakin kan hmuh theihin a awm reng. Ziaka awm lo, hmuh mai tur a awm loh pawhin vantlang nunah a dik leh tha chu kan bre thiam vek ang. Hetianga kan nun kan hman thin chuan Ringtu nun dan turin kan nun tihna a ni.*

*Eng vangin nge Ringtu nun dan tur tia inzirtir fo kan ngaih thin? Hringnunah hian ringtu nun dan tur ang ni lova nun dan hi a tam lutuk a, a awlsam a, a nuam baw k. Chuvangin inthlabdah tan chuan hetiang a nun hman mai hi a awl em avangin infuih thar fo kan mamawb ta a ni.*

*Ringtu nun dan tur awlsam ber chu kan tih tur leh awm dan hian Yeshua dub dan a mil angem tia mahni inzawtin, a mil dan tura nun hman zel kan tum chuan Ringtu nunin kan nung tihna a ni mai.*

## RINGTU NUN DAN TUR (mi malah)

—Evan Vanlalsawmi

Aizawl Circle Inkhawmpui, 2023 thupui chu RINGTU NUN DAN TUR- tih a ni a, kan thupui hi kan hotuten an then sawm leh vek a, zanina ka sawi tura kan hotuten thupui min pek chu “Ringtu nun dan tur(mi malah)” tih a ni a, kan thiam ang tawkin Pathian tanpuina dil chungin ka rawn inbuatsaih ve a, a pawimawh zual nia ka hriatte, point panga(5)-a rawn tar lan ka tum dawn a ni.

**(1) Ringtu chu, intlansiakna beituin, lawmman dawn tuma a bei angin a bei tur a ni.** (I Kor 9:24-27) (v-24) Intlansiakho chu an za-in tlan mahse, an zinga pakhat chauhvin lawm man a hmu thin tih in hre ve lo em ni? (v25) Lawmman hmuh ngei tuma beitu chu engkimah a insum thin. Anni chuan Lallukhum chhe thei hmu turin an bei a, keini erawh chu Lallukhum chhe thei lo hmu turin kan intlansiak a nih hi. (v26) Chutichuan thlen chin tur hre Chiang sain ka tlan a

ni, mi ten boruak mai hneka an bei angin ka bei ve lo. (v27) Kei chuan ka taksa ka ti chhelin, ka thuhnuaiah ka dah tawh a, chuti lo chuan, midangte hnena ka tlangau pui chung pawhin, keimah hi tling lo angin, hnawlin ka awm hlauh dah ang e.

He thu-ah hian Tirhkoh Paula chuan ringtu chu intlansiakna beitu nen a tehkhin a, kha tih hun laia Korin khua ten an hriat lar em em chu Isthmian Games a ni a, kha intihsiaknaah khan

intlansiakna beitu chu eng zata tam pawh ni se, lawmman chu mi pakhat chauhvin a dawng thin a nih a rinawm. Chuvangin, lawmman dawng tur chuan beih nasat hle a ngai dawn a, an beih dan pawh tirhkoh Paulan a sawi a, lawmman hmuh tum chuan thil eng kimah a in sum a, a tisa chakna chu inthununtir lovin, a taksa chu a thuhnuaiyah a dah a, mahni inthununna (self-discipline) leh mahni inphatna (self-denial) nasa tak nen a bei thin a ni. Tin, lawmman chu mi pakhat chauh tan a nih avangin mi dang zawng chu an tlan thlawn thin a ni.

Ringtu intlansiakna erawh chu, midangte nena inelna ni lovin, mahnia inelna a nih avangin, lawmman chu mi pakhat tan chauh ni lovin, a tling a piang tan a ni thung a ni. Tling tura ringtu tlan dan tur chu lo tar lang ila.

(i) Intlansiakna beituin, a tlanna tur kawng inrin saa, a

tlan angin, ringtu chu lawmman dawng tur chuan, a tlanna tur kawng Bible-in a ruatsaah, dik takin a tlan tur a ni.

(ii) Intlansiakna beituin amah tihnawk thei thil engkim daha a tlan angin, ringtu chu amah tihnawk thei thil engkim dahin a tlan tur a ni.

(iii) Intlansiakna beituin a tum ram a thlen hma chu chawl lo leh tha thlah lova a tlan angin ringtu chu THLAN a thlen hma loh zawng, chawl lo leh tha thlah lovin a tlan tur a ni.

Tin, Tirhkoh Paula chuan, “Kei chuan ka taksa ka tichhelin, ka thuhnuaiyah ka dah tawh a, chuti lo chuan, midangte hnena ka tlangaupui chung pawhin, keimah hi tling lo angin, hnawlin ka awm hlauh dah ang e,” a ti a. He thu-ah hian Lallukhum chhe thei lo dawng tur chuan, mahni inthununna(self-discipline) neih a pawimawh zia tirhkoh Paula hian min hrilh a ni. Tirhkoh Paula kha

rawngbawltu ropui tak a ni a, hmun tam takah kalin, mi tam takte hnenah thahnemngai takin thu a hril thin a, kohhran pawh a phun tam hle a, chutiang taka rawngbawltu ropui pawh ni mah se, mahni inthununna(self-discipline) a neih loh chuan hlawla a awm tur thu a sawi a, chuvangin rawngbawlna ropui tak ai pawhin mahni inthununna (self-discipline) a pawimawh zawk a ni. Hmelma pa pawhin hei hi a hre chiang hle a, rangbawltu ropui tak takte chu tisa chakna kawng hrang hrang hmangin a hnuk thla mek zel a ni.

**(2) Ringtu chuan inkhawm a bansan tur a ni lo.**

(Heb 10:25) Thenkhat tih dan anga inkhawmna te bansan lovin, infuih tawn zawk ula, chu nî chu a lo hnai zel tih inhriat avangin, uar leh-zualin lo infuih tawn rawh u.

Ringtu intite zingah hian, chhuanlam hrang hrang avanga inkhawm peih lo/

inkhawm duh lo kan tam ta hle a, kei ngei pawhin an sawi ka hre thin, “*Inkhawm tura Biak In pan kber a ngai tawh blei nem, Tv leh phone atangin duh hun hunah sermon tha tak tak kan ngaithla thei alawm,*” an ti.

A dik hmel fu mai a; mahse, kan Pathian thu chuan *Then khat tih dan anga inkhawmna te bansan lovin - a ti fan a ni.* Kan Pathian thu hian ringtute hi Beram nen a tehkhin a, chutiangin, khawvel mifing, Philosopher-te pawhin, mihring hi a huhova cheng chi kan ni a, a mal chuan kan dam khaw chhuak thei lo (man is social animal, he can't survive in isolation) an lo ti ve bawk a ni. Beram nena tehkhin kan nih avangin, beram nena kan inanna lai tlem azawng han tar lang ila. Beram chanchin zir bing mite sawi danin, beramte hi ramsa dang angin, mahni inhumhimna (self defence) hi siamtu hian a pe ve lo a ni an ti. Entir nan, sakuh-

te chu hmelmmain an beih chuan an hmul khawng leh khauh tak kha an inhum-himna a ni nghal a, hnaphkawn te, chengkawl te pawh an kawr chhungah an lut daih zel a, Utawkte pawhin tur an pai a, tin, chutiang nei ve lote pawh, an tlan chak tal a, entiran, sazuk te, sazupui te hihlahawm a awm chuan an tlan chak hle a ni. Beram erawh chuan amaha inhum-himna engmah a nei ve lo mai ni lovin, a tlan muang hle bawk a, a himna awm chhun chu a Pu (beram vengtu) leh a rual zinga a awm vena kha a ni.

Chutiang chiah chuan ringtu pawh, hmelma pa laka a himna chu, Davida'n, *The Lord is my shepherd/Lalpa chu beram, a puin a venganga, min vengtu a ni*, a tih angin, a himna chu Lalpaah a ni a, a himna dang leh chu beram anga, a huho zinga a khawsak vena chu a ni. Mahse, tunlaih chuan mahnia awm hi nuam kan ti a,

phone kan hum chuan mahni chauh pawhin kan tlei em em ta mai a. Phone hian chhungkaw inpawhna tur te, thiante nena inpawhna turte a ti chhe nasa hle a, kumin, 2023, YMA khawmpuia recitation pakhatin a sawi angin social media avangin kan social lo mek a ni. Covid hri leng khan he mi kawngah hian min tikhawlo hle ni te pawhin a lang a, inkhawm tur pawhin kan chhuak thei lo kha a ni a, chhungkua te tein kan tlahrang a, a then an mal tlat bawk a, kha khan inkhawm peih lohna, thil tih khawm peih lohna leh mahnia awm nuam tihna min neihtir zual ni te'n a lang a, kohhran lian hovah phei chuan Covid hma aiin Covid hnuah hian inkhawm zat an tlahniam hle a ni an ti.

Kan mal tlat hian hmelma pa tan kan zuamawm a, beram tla fal pawh sa in a um zui vat angin hmelma pa hian ni tin mai hian kan thlarau nun, pawh hniam tumin

kawng hrang hrangin min um zui reng a, depression, anxiety tihte hi tun hmaa kan hriat ngai mang loh thil a ni a, tunah chuan hriat tur a tam hle tawh a, hmelma pa hian hmanrua a ngah si, rem a hre bawk si, a taima bawk si, *tin, chu ni chu a lo hnai zel tib inbriat avangin, uar lebzualin lo infuih tawn rawh u-* tih thute hi a lo hre ve kiau va, hun a ngah tawh lo tih a hriat avangin a hmanhmawh hle tawh bawk a, chuvangin ringtute chu kan inkhawmte bansan lova, inpawlhona (fellowship) te pawh uar zawka nei a, infuih tawn sauh sauh hi kan tih tur pawimawh tak a ni.

**(3) Ringtu chuan fianrial tawngtaina a nei tam tur a ni.**

Juda-ho hi ni khatah vawi thum an tawngtai a, Muslim-ho erawh ni khatah vawi nga an tawngtai thin a ni. Chuvangin inkhawm te, khawmpuite nei zen lo mah se an chakin, an nghet em em

mai a ni. kan zingah hian tihtak thlaka, fian rial tawngtaina hmang thin hi eng zat tak awm ang maw? Ni khatah vawi eng zat nge fianrial tawngtaina kan neih thin le? Mahni theuh inzawt ila. Daniela kha chuan sakei-baknei puka thlak tura an vau pawhin, a fianrial tawngtaina a bansan chuang lo kha a ni a, keini erawh chu kan zalen em a, kan inthlah-dah a ni. Zalenna pawh hi hmelma pa ral rel tho a ni a, hmanah chuan ringtute chu a man a, a tiduhdah a, a nghaisa a, a tihlum a; mahse, ringtute thisen kha chi ang maiin hmun tinah a tiak a, tih chimih rual an ni loh avangin hmelma pa chuan a ral rel dan (tactics) a thlak a, Rome Emperor Constantine-a hmangin ringtuteah zalenna leh duhsakna a thlentir a, a tihduhdah lai aia tam a lamah a rut ta hem hem a nih kha! He a ral rel hi a fuh zia hriain vawiin ni thleng hian a la hmang chhunzawm zel a, a lama a hruai hnem tawh zia

hi kan hria ang a, Zalenna hi Setana hmanrua pakhat a ni tih tun hunah hian, kan hriat thiam a tul hlein ka hria a, chuvangin ringtu chuan a zalenna hman thiamin, eng kawngah mah a inthlahdah tur a ni lo .

**(4) Ringtu chu khawvel dan anga awm lovin, a danglam ngam tur a ni.**

(Rom 12:2) *He khawvel dan ang hian awm suh ula, Pathian duh zawng, a tha leh lawm tlak leh that fankim chu in hriat fiah theih nan, in rilru a thara awmin lo danglam zawk rawh u tih a ni a.*

Bible-ah hian danglam ngam ringtu tha tak tak an awm a, chung zinga kan sawi ban theih loh chu Daniela leh a thiante kha an ni a, an chanchin chu kan hre vek a, a kip a kawia sawi ka tum lo. Jerusalem chu Babulon Lal Nebukadnezara'n a la ta a, Daniela leh a thiante pathum pawh chu sala hruai zingah an tel ve a, Nebukadnezara kha

lal fing tak a ni a, a salman te kha a hmusit mai lo, an zingah khan Lal thlah, tleirawl vengva tak tak leh lak tlak tak tak an tel tih a hria, a ram tana mi tangkaia chher tlak an ni tih a hre bawk a, an zinga a tha ber berte chu thlang chhuak turin tilrehte hotu chu thu a pe a, tichuan kum thum chhung Babulon literature (thuziak), tawng (language) leh culture (nunphung) uluk taka zirtir an ni ang a, Babulon Dan thu ziaktu (scribe) ni thei turin an chher dawn a ni. Tin, chhiarkawp, music, arsi chanchin (Astrology), damdawi lam te, ram leh ram indawr dante, Babulon ram awp enkawl dan, lal chhungkaw enkawl dan, an pathiante chanchin leh an thurin, dawivaih, aikaih leh an sakhaw hla chham te thlengin an zirtir dawn a ni. Ei leh inah pawh an duh sak hle dawn a, lal dawhkana mi, lal ei ang ngat an eitir dawn a ni.

Daniela leh a thiante khan, serh tan loh, Jentail lal chawei



dawhkanah khan ei thiang lo thil tam tak a awm dawn a ni tih an hre nghal a, an ei chuan Pathian Dan an bawhchhe dawn tih pawh an hria, chuvangin ei an tum lo. Nebukadnezara ai chuan Pathian an hlau zawk a, chuvangin, Babulon Lal In chhungah pawh an danglam ngam a ni. Lal chaw ei lo tura an beih dan zawng zawng chu kan hre vek a, sawi ngai lovah dah ila, khatih hun lai kha Daniel leh a thiante kha kum 17 mi vel lek niin zir miten an chhut a, rawlthar, thisen lum hun lai an ni a, Chaw hmeh tui tak tak leh wine tui tak tak, zing zanin an dawng dawn a ni a, an din hmunah khan ding ve ta ila, eng tin nge kan tih ve ang? Mahni han in zawt theuh ila, kan hnar ngam a ngem? tih ai chuan kan hnar phal a ngem? tih hi kan buaina a ni zawk mai lovang maw?

Tin, Dura phai zawla Nebukadnezara milim siam chibai buknaah pawh khan mi

zawng zawngin bawk khupa chibai an buk laiin anni chu an ding tlat mai a ni. An va lang sar dawn em tir'u!! Rawhtuina meipui kha, a let 7-a tisa turin thu an pe a, Nebukadnezara chuan thinur takin a milim siam chibai an buk loh chuan rawhtuina meipuia paih turin a vau ta a, ***ka kut atanga chhan chhuak thei tur che u Pathian chu tu a ni nge?*** a ti hial a nih kha! An chhanna hi a ropui em a, kan hriat hnu pawh se, hei chauh hi chu i'n chhiar chhuak teh ang. ***AW, Nebukadnezar, he thuan hian kan chhan che pawh a ngai lo ve. Kan Pathian, a rawng kan bawl thina chuan rawb tuina meipui ata, min chhan chhuak thei si a, i kut ata pawh, aw lalber, min chhan chhuak mai ang. Chuti lo pawh ni sela, aw lalber, i pathiante rawng chu kan bawl dawn lo va, i rangkachak milim din pawh chu chibai kan buk hek lovang tih hi hria ang che-*** an ti a nih kha.

*(Chhunzawmna phok 21-naah)*

## RAMCHHUNG PASTOR-TE RAWNGBAWLNA REPORT

— Elder David L. Hmar, General Secretary



Pastor  
ST John Beingachhie



Pastor  
C. Liangsanga



Pastor  
H. Lalfakzuala



Pastor  
Robert Malsawsanga



Pro. Pastor  
B. Laimang



Pro. Pastor  
Lalramdinmawia

### Pastor Johna rawngbawlna Report, October 2023

Ni 6.10.2023 khan Keifang kohhrante tlawh turin a chhuak a, Keifanga kan kohhrante hi an tam lem lo. Niriata inkhawmpui thianghlim chu Keifangah a hmanpui a, Pi Lalbiakchhungi te inah inkhawmna an nei a, an hlim tlang hle. Keifang Budget Rs. 2,600.00 an lo hawntir bawk.

Ni 13.10.2023 Zirtawpni khan Darlung kohhrante tlawh turin a zinchhuak leh a, Darlung kohhrante hi Keifang kan sawi ang deuhin member tlemte ni mahse, kohhrana minghet an ni. Sabbathni aʔangin rawngbawlna a nei a,

an hlim tlang hle. Darlung Budget Rs. 65,000.00 lai an rawn hawntir bawk.

Ni 21.10.2023 Sabbath khan Zuangtui Local Church te Circle Conference thleng tur an nih avangin an inbuatsaih dan te thlirpui pahin a va inkhawmpui a, khawmpui lo thleng tur atan inbuatsaihna ʔha a awm theih nan fuihna thu a sawi.

Ni 28.10.2023 Sabbath khan Aizawl Local Church-ah sermon hun changin, “*Thlir tur dik tak thlir thiam a pawimawh*” tih thuchah a puang bawk.

**Pastor C. Liansanga rawngbawlna Report:** ta a ni.

**Niawhtlang:** Ni 2.9.2023-Zirtawpni khan, Niawhtlangah chhovin Sabbath leh Tawtawrawt nî an hmang nghal a. Pathian awmpuina changin Sabbath niah Member thar Pu Lalchhuanbera leh Pi Rakilli te Nupa chu IKK Kohhran aţangin Pathian thutak hmuin an rawn lût a, Pathian leh kohhran hmâah lawmluhna neih a ni. An chenpui Nu leh Pa pawh beiseina nen an fate kalnaah rawnzui ve thei an nih avangin hmâlâk mêk a ni baw. Sabbath nî inkhawmah Pathian thuchah a sawi a, **"Kohhran dik"** tih leh **"Pathian thutak ban leh inngahna"** tih thu a sawi a, an hlawkpui tlâng hle a ni. Inkhawm bânah Local Board Committee leh hmalâk-na hrang hrang thlirhona a neihpui baw. Budget leh Target hrang hrang te pawh theih tawp chhuaha hma la turin a fuih baw. Chhung tinte tlawh chhuakin, Niawhtlanga Sabbath an hman zawhin Thawhtan ni khan Siahaah an haw leh

**Lawngtlai:** Ni 8.9.2023 An Nupain Lawngtlaiah Sabbath hmang leh Kohhran tlawhin an kal a; Kohhranhote nen hlim taka hun hmanho a ni baw. Sabbath nîah Inkhawmna hun tha tak an nei a, Pathian thuchah sawiin, **"Ringtu nun"** tih thu hmangin thuchah a sawi. Diltlang aţangin Pi S. Hani a lo awm baw a; Chawngte aţangin Tv Mamawitea a lo kal baw a, Inkhawm pawh an phuisui phah hle a ni. Lawngtlaiah hian Biak in hmun Council venga mi chu Pass siam that leh Biak in hmuna In sak dan tur pawh ngaihtuahho a ni baw. Chhungtinte tlawh kualin ţawngţaina a neihsak zel a, Elder Chhanhreluaia, Pangkhua pawh Medical Check-up leh inenkawlin a lo awm baw a. An chennaah kal chilhin ţawngţaina an neihsak baw. Lawngtlaiah hian, Sabbath an hman hnuin Thawhtanni khan an haw leh ta a; Sawma pakhat pawh eng-emaw zat an hum haw baw a ni.

**Lunglei:** Ni 15.9.2023- Sabbath leh Tawtawraw nî denchhenin Lungleiah Media Cell Department lamin an ko va; tah hian, MPKṪP Executive Board meeting neih nghal a ni baw k a. General Conference neih dan tur leh a kaih-hnawih tam tak an rêl baw k. MPKṪP General Conference-ah hian Speaker turin an ruat baw k. Sabbath niah Sermon hun an pe. Tawtawrawt nî a nih avangin **“Second coming of Yeshua”** chungchang a sawi. Ni 18.9.2023-ah Media Cell-in a lo ruahman angin Sermon leh Pathian thu sawi-hona Video shooting neih a ni a; Thupui hrang hrang then sa awmin chungte chu sawi-fiahna an hmang baw k a ni. Media Cell te hmalâkna leh inbuatsaihna a ropui hle. Pathianin mal a sawm ngei pawh a rin thu a sawi. Lungleia an Programme te an hman zawh tawh hnuin Thawhlehi khan Siaha lamah a hawsan leh ta a ni.

**Siata:** Ni 29.10.2023- Sabbath khan Siataah kalin

Bawkte kût leh Niriat ni Inkhawmpui thianghlim inkarah Gospel Camping buatsaih a ni a, Pathian malsawmna dawngin an hlawkpui hle. Bawkte kût hi Ainak lama hmang phawt tura in buatsaih a nih mek laiin, Kawng a chhiat em avangin lirthei a kal thei ta lova; Siata thlen hmâ kawng peng thleng an kal a, mahse, Ainak aṭangin a hmuak tur Motor an hmuh theih tâk loh avangin, Siata lam tlang turin an rawn hrilh a, a tlang ta zawk a ni. Siataah Bawkte kut hmangin Elder Dunhnawka te chhungin Kel leh Ar talhin an thleng a, Niriat ni chu, Deacon Pachunga'n Bawngpa tuai talhin an thleng ve thung a ni.

Thawhṭanni, 2.10.2023, zan aṭangin Camp-ah lutin Mi 17- bawr vel Campers an ni a, Tluang taka hun hman zawh a nih hnuin Ningani tlaiah an chhuak a, Niriat ni inbuatsaih in hun hman zui a ni baw k. Campers leh Kohhran hoten an hlawkpui hle. Pathian tan inhlanna nei vekin Siam tharna

an chang bawk a ni. Siataah hian Deacon Hmâra Tlau, Sangauin a tawiawm a, Chhualung atangin Tv Vanlalchhunga a tel thei bawk a ni. Niriat ni chu Hlim taka hman niin Kohhran hoten an hlawkpui takzet bawk a ni. Kum tin neih theih ni se tiin ruahmanna siam an duh hial bawk. Thawhtanniah Siaha lam panin an haw leh ta a ni.

**Siaha:** Ni 14.10.2023 khan, Siahaah Sabbath a hmang ve thung a, Hetih rualin Chhimtuipui District Executive Board Meeting neih nghal niin, CTP District Conference neihna tur ngaihtuahho nghal a ni a, Chhualungah nghah a ni. Chhualung Biak in hi District Conference-ah hian hawn nghal tura ruahman a ni. CTP District Conference Thupui atan "**Simna**" tih thlan a ni a; Speaker atan Bialtu Pastor C. Liansanga chu ruat nghal a ni bawk.

Nauhlanna neih niin, Chathaw Meihlo s/o Zadoka, a pu Pastor M chawthaw

hming an puttir a ni. Laldusaka Rualhleng s/o Isak Laltlanfela chu Pathian hnenah hlan nghal a ni bawk. Ni 18.10.2023 Sabbath hmangin Bualpui (Ng)-ah hun a hmang ve leh thung a, Kohhranhote pawh an dam tlang a; Sabbath ni hlim taka inkhawma Programme hmanho a ni. Sermon "**Mihring dam chhan eng nge?**" tih thu hmangin thu sawina a nei. Bualpui (Ng) a cham chhungin Kohhran chhung tinte tlawhin tawngtai sakna an hmang zel bawk a, Bualpui (Ng)-ah Sabbath leh Sunday a hman zawh hnuin Thawhtanni khan a bial thut hmun Saiha lamah dam takin a haw leh ta a ni.

Bial chhung khuate a fanna apiangah kohhranhote hlim takin an lo lawm thin a ni.

**Pastor Roberta Rawngbawlna Report:**

October 7 (Sabbath/Ni riat ni): Leiteah Ni riat ni Inkhawmpui Thianghlim a hmang a, a intan zan atangin inkhawmna an nei thei a. Zan

lamah Sabbath leh LALPA hunbi ruat pawimawhnate zirho a ni a, Sabbath zingah kohhran in tin tlawh kualin tawngtaina a hmang a. Biak Ina Pathian biak inkhawmnaah Ni riat ni Inkhawmpui Thianghlim chipchiar zawka zir chianna a neihpui a, inkhawm pawh an kim hle. Tlai lamah ruai tui tak theh a ni. A tuk Sunday-ah Elder K Rinsanga nen Hnahthialah Elder H Chhanpiala te nupa an tlawh bawh a ni.

October 14 (Sabbath): Lungleiah a hmang a, Sabbath tuk Pathian biak inkhawmah thuchah sawina hun a hmang a, **“Pathianin Mosia a ko”** tih thu hmangin kohhranhote rawngbawlina kawnga theih-tawp chhuah zel turin a fuih hlawm a ni. Inkhawm banah Local Board meeting a neihpui nghal bawh a ni.

October 21 (Sabbath): Chhipphirah a hmang a, zan leh chhun lamah inkhawmna an nei thei a, Pathian thuchah puanna hun a hmang thin.

Chhipphir kohhrante hi Kohhran tan leh rawngbawlina kawngah thahnem ngai zual zel turin a fuih hlawm a, inkawm khawmnaah kan rama zawlnei nia inchhaltena an tanchhan Pathian Thu lehlidik tawh lote zirtirna a nei bawh.

Chhipphir hian Lunglei Circle Conference vawi 6-na, January 5-7, 2024-ah an thlen dawn avangin meeting neihpuiin Conference thlen dan tur ruahmanna a siampui hlawm a ni.

October 27-29 (Circle Executive meeting): Lunglei Circle Executive meeting chu October 27-29 chhungin an nei a, Sabbath intan zanah leh Sabbath chawhmaah Pathian biak inkhawm neiin, Sabbath chawhnuaah an rawngbawlpui Deacon R Laltanpuia (L) ralna hun an hmang a; hetah hian thlamuanna thuchah a sawi.

Sabbath ral zanah rorelna an nei a, Circle hmasawanna tur

thil ngaihtuahin, Circle Conference program pawh an duang nghal a ni. October 29 (Sunday) chu Thurin zirna hun atan an ruat angin Pastor hian hun a hmang a, kohhran member kal pawh an pangngai viau e. He hun hi session hnihin then a ni a, session hmasa zawkah Pa leh Fapa leh Thlarau Thianghlim chungchang zir chianna neih a ni a, a hnuhnung zawkah Chhandamna chungchang zirho a ni.

***Pro Pastor B Laimang rawngbawlna Report October 2023***

October 6, 2023 (Friday) khan Mamit atangin West Phailengah a kal a, Deacon Kapkima te inah a thleng a, thlen zan hian inkhawmna an nei a, '**Shemini Atzaret**' Chungchang a sawi a, **Inkhawmpui thianghlim hunbi pawimawhna** tlem a sawi tel bawh, inkhawm ban hian Deacon LK Zathang te inah an inkawmho.

A tukah Sabbath inkhawm an nei leh a, inkhawmah hian

Nau hlanna a nei, **Josheph Vanneimunga** s/o Rualhlunthanga. (A nu chu Pi Laimawii) a pian ni: 01/ 07/ 2023 a ni. Inkhawmnaah hian Sermon hun an pe leh a, '**Kristian Chhungkua**' tih thupui hmangin thusawina a nei. Chhunah Pu Rualnawna te inah an inkawmho a, tlai lamah ruai an theh a ni. Zannah inkhawmna hun an nei leh a, chutah chuan '**Lal Yeshua-ah rah nasat**' ti thupui hmangin thu sawina a nei leh a, inkhawm ban hian Pi Lalhuali te inah an inkawmho leh a ni.

A tuk Sunday-ah inkawmhona, pu Rualnawna te inah an nei leh a, Deacon Pakima leh Deacon LK Zathang an haw hmasa a, Pu Rualzuama nen tlai lam dar 2 velah an tin ve ta a. Zannah inkhawmnah hun a nei leh a, hetah hian '**Ringtun**' ti thupui hmangin Lei chi (Salt) nen sawi zawm a ni. Inkhawm banah a thlen inah an leng hlawm bawh.

A tuk 09/10/23 (Monday) chuan Mamit panin a kal leh a,

Mamitah ni khat a chawlh a, 11/10/23 (Wednesday)-ah Aizawlah a chho va, 13/10/30 (Friday)-ah Hmunpui panin a kal a, Kohhranhote an lo dam tha, rin phak bakin an lo nghetin an lo rinawm. Inkawmna in Elder Pc Chhanhima te chhungkua nen an nei a, an hlim tlang hle.

A tuk Sabbath zingah Kohhran member-te a kan kual a, Chaw ei khamah inkhawmna an nei a, chutah chuan ‘**Lal Yeshua-ah awm reng**’ tih thupui hmangin an infuih a ni. Elder PC Chhanhima tute leh Pi Lapuii te hovin an rawn inkhawmpui baw k a, an hlim hle. Inkhawm ban hian Kohhranho a tlawh kual leh a ni. A tuk Sunday-ah hian Kohhran in a tlawh kual leh a, chutah chuan tawngtaina leh fuihna a nei zel baw k a ni.

October 16, 2023 (Monday)-ah Aizawl panin a kal a, Aizawlah ni thum a cham a. Kohhran Office vawi hnih a tlawh a, Pastor H C Zosanga, Mizoram Conference Chairman nen damlo, Deacon, B Hma-

ngaihzuala, Ainak khua, (Thal baw k cancer) natna avanga Dinthar Aizawlah inenkawl mek kanin an kal baw k.

October 20, 2023 (Friday)-ah Mamitah a kal leh a, Elder Lalbiakthanga Pachuau te inah a innghat a, Atuk 21/10/23 (Sabbath) inkhawmah Deacon Samuel Lalzarliana’n a hun a kian a, ‘**Lal Yeshua-ah Nun luang liam**’ tih thupui hmangin thu sawina a nei. A tuk 22/10/23 (Sunday) zanah Mamit Circle Inkhawmpui hun leh hun neitu tur te ruatna meeting a neihpui. **November 24 atangin 26 thleng an ruat a, Mamit Circle Conference hi West Phailengah** an nghat a ni.

October 28, 2023 (Sabbath) Mamitah a hmang a, Nau hlanna a nei. A hming, **RK Ro-chanhlua s/o R K Vanlalchhandama**, Pian ni: 23/03/2022. Inkhawmah hian Sermon hun a nei nghal a, ‘**Chhandamna**’ tih thupui hmangin thu a sawi. A tuk Sunday niah Biak in hnatlang a neihpui. Mamita a awm chhung hian Kohhranho



tlawh kual leh Census lakna a neihpui. Pastor Quarter atan Elder Lalbiakthanga te inhnuai chu siam mek a ni a, remchang hmasa berah luah thuai a ni ang.

### **Pro Pastor Lalramdinmawia October Report 2023**

Bial fang lai a nih avangin Oct. 1, Sunday-ah Bungtlang-ah a la awm a. Kohhran Statistics te la felin, Local Chairman leh Kohhran puipate nen Bungtlang South Kohhran chanchin (History) zirchianna an nei bawk. Sunday zanhian Committee Meeting a neihpui a. Hetah hian MPKTP General Conference thlenna tura hmalak ngai thilte bakah Tualchhung Kohhran hmasawna tur thilte rel a ni a, Kohhran member puitling chin an kim viau.

A hun thawl neih remchan ang ang hmang tangkaiin, Kohhran in a tlawh chhuak thei a. Oct. 2 chhunah, PKHP, Chawngte Circle Adviser a nih angin, PKHP Video Call Conference Meeting a neihpui

nghal a. MPKHP General Conference Inkhawmpui kal dan tur te a relpui a. Zan lamah Kohhran member zawng zawng inkokhawmin Pu. HC. Lalramenga te inah, Smart TV hmang tangkaiin, ennaawm tur chhuah chung zelin Kohhran Hruaitute leh Pastor thawhho dan tur te tarlangin, MPKHP Gen. Conf. a tel tura PKHP member Campaign te, PKHP Bible Ralchhan Campaign te, Local, PKHP leh PKTP General leh Circle Target Campaign te nei bawkin hun hlawk thlak tak an hmang a ni.

October 3-ah Bungtlang South atangin zanriah eikhama Hmunnuamah rawngbawlna neiin a kal leh a. Bungtlang South atangin nu leh pa leh thalaite atangin member 11 in an tawiaawm a. **'Inremna rawngbawl hna'** tih thupui hmangin Pathian thuchah a sawi a. Hun duh-awm tak an hmang thei a ni. Elder Zokhelsanga te inah a riak a, Oct. 4 zingkar atangin Kohhran tan a tul ang ang a thawhpui a. Kohhran Statis-

tics an la fel a. Kohhran in te tlawhin, Kohhran chanchin (history) te an chhui zui a. Biak in ram te enpuiin, LSC Pass an buaipui mek chu ngaihvenpuiin, a rang lama tihchhuah a nih theih nan CS pawh a biakpui a. Zan lamah Kohhran Meeting a neihpui leh a. Hetah hian Sabbath inkhawm programme phuisui zawka kalpui dan tur te, Kohhran inrelbawlnaa an mamawh neih ngai te sawipuiin, Local/PKTP leh PKHP hruaitute chu mumal takin a ruatpui bawk a. Hmunnuam Biak in sak ngei a nih theih nan Project te pawh a duanpui nghal a ni.

Oct. 5. Ningani chawhnuah, Hmunnuam khua atangin Khawmawi khuaah a lut leh a. Kohhran in tinte chu Local Secretary nen tlaiah an tlawh chhuak nghal a. Hemi zanah hian Kohhran member-te inkokhawmin, Kohhran chakna leh chak lohna te sawihoin, thawhho dan tur leh hma-chhawp turte sawiho a ni a. Local hruaitute nen Kohhran Statistics leh Kohhran chan-

chin te pawh chhuizauna an nei nghal a ni.

Oct. 6 Zirtawpniah, theih chin chinah Kohhran in tlawhin, PKTP hruaitute leh PKHP hruaitute hmalakna leh thiltihte a enpui a. Kohhranpui sum vawn dan leh hmalakna hrang hrang te a enpui bawk a. Kohhran Biak in ram dinhmun hriatsak ngai thil te pawh zirchianna a neihpui a ni. Tin, Baptisma chang turte pawh kawmin, a tul ang ang tihfel nan hemi ni hi an hman.

Sabbath intan zan, LALPA Inkhawmpui Thianghlim Pathian biak inkhawmnaah - '**Dintharlehna**' tih thupui hmangin Pathian thuchah a sawi a. Inkhawm banah Baptisma chang turte pualin Elder Lalrinthanga te inah, Yeshua Baptisma kan chan thu te, sual ngaihdam tawhna tarlanga kan chan a tulna te, Yeshua Baptismaa chhan-damna chu eng nge tih te leh a pawimawhna te zirhona hlawkthlak tak hman niin, an hriatthiam tlan hnuah hun tihtawp a ni.

Ethanim 22, Ni riat ni Inkhawmpui Thianghlimah, LALPA INKHAWMPUI THIANGLIMTE tih thupuih hmangin zirtirna leh Pathian thuchah a sawi a. Inkhawm banah, Elder Lalrintangha te inah an Motor (SK 6x12) thar Pathian hnenah hlanna a nei a. Artui ruai nen lawm a ni. Chumi hnuah, Lal Yeshua hmingin 'Khumtirbet Lui' ah member 10 lai Baptisma a chantir a ni. Chung mite chu:

1. Bawihthadimi  
w/o Lalmuankima
2. Ramdingliani  
d/o Lalsangzuala
3. Lalrinsanga  
s/o Ngunthauka
4. Remruatmawia  
s/o Ngunthauka
5. Joseph Rohluzuala s/o  
Deacon Hmingthangzuala
6. Francis Biakthanpuia s/o  
Deacon Hmingthanzuala
7. Esther Laldinpuii  
w/o Lalroenga
8. Vanthangpuii d/o Deacon  
Lalhmingthanga
9. Isak Lalmalsawma s/o  
Deacon Lalhmingthanga

10. Tracy Lalvenhimi d/o  
Zirsangzuala

Chumi zawhah, PKTP Meeting a neihpui leh nghal a. Tlai lamah Kohhranten ruai an theh a, an hlim viau. Zan inkhawm an neih chhonzawm a, Baptisma Certificate hlanna a neih zawhah '**Hmasawnturin Kohhran belh**' tih thupui hmangin Pathian thuchah a sawi a. Inkhawm ban hnuah Elder Pu Rina te inah, thingpui in pahin inkawm-khawmna an nei a. Hun hlimawm leh hlawkthlak tak hman a ni.

Oct. 8, chawhnu lamah Khawmawi atangin Dil-tlang lam a pan leh a. Diltlang a thlen tlaiah Kohhran Statistics lak a ni a, Kohhran Chanchin ziakfel sa diamin Evan HC. Lallawma'n a pe bawk a. Zan lamah Pathian Biak inkhawm neih a ni a, '**Nang malsawmna ni ang che**' tih thupui hmangin Pathian thuchah a sawi a. Pathian fak leh chawimawi a nuamin an hlim takzet. Inkhawm banah Smart TV

hmang t̄angkaiin Pathian thua inkawmhona neih chhonzawm a ni.

Oct. 9 (thawht̄anni) tuk-t̄huan ei khamah Evan. HC. Lallawma nen Hmunnuam Biak in ram chungchangah Revenue Office-ah an leng a. Land Lease siam turin dilna an thehlut a, lehkha chinfel ngai an tihfel hnuah, Biak in hmun ram teh turin CS nen Diltlang ātangin Hmunnuam an pan nghal a, t̄henawm ram Pass zawng zawng enkawpin, Biak in ram tehfel nghal a ni a, a v̄ang lam meter 10 (feet) a dung lam 19 meter a chhuak a ni. Engkim tihfel hnuah Diltlangah a let leh a ni.

October 10-ah, Bial fang zo, Chawngte a chhuk thla a. October 14, Sabbath zingah hun ken niin, '**Kohhran mamawh - t̄awngtai**' tih thupui hmangin Pathian thuchah a sawi a. Bial fan report a pe nghal bawk. Ni 21, October Sabbath inkhawm banah PKHP, Chawngte Circle rorel angin, Pi. Sannemi ralna neih

a ni a. Circle PKHP Adviser a nih angin, Hunserh a hmang a. Mualbu leh Chawngte ātangin member 13 an kal a. Sabbath ral zan inkhawm banah PKTP, Chawngte (P) Branch hla zir a pui bawk.

Chawngtea a awm chung-in Biak in sakna tur lamah t̄ul ang ang tiin hun a hmang a. Kohhran chhung-kuaah taksa leh thlarau lama harsatna neite kanin, a remchan dan ang zelin hun a hmanpui a. MPKHP General Conference pualin inbuat-saihna a nei pah zel bawk a ni.

**Shofar-ah hian Sermon te, Article te, Mahni khaw chanchin leh kohhran lo din t̄an dan te ziak duh chuan Editorial Board Member-te hnenah a thawn theih reng a, a remchan dan ang zelin tihchhuah t̄hin a ni ang.**

**(Sermon- Ringtu nun  
dan tur chhunzawmna)**

An danglam ngamna kha a pui em a, Pathian pawh a che lo thei lova, a thil tih theihna chu mi zawng zawng hmuh theihin a tilang a, Nebukad- nezara meuh pawhin Van Pathian chu a fak ta a nih kha!!

Kan hma lawkah hian kan vela mite chuan Christmas an hmang leh dawn, Christmas carol, Christmas concert, Coffee night, Kawn chei an ti leh vut vut dawn, a boruak ringawt pawhin zauthauna a keng a, chung zawng zawng chu Pathian thikthu chhiatna a ni tih kan hria, chung hunahthe chuan kan dang-lam-na kan lantir ve thei angem? Tuman rawh tuina meipuia thlakah min vau dawn lova, kan duh thlanna a ni dawn, I inngaihtuah Chiang ang u. Kan tih theih reng Lalpa avanga kan tih loh te, kan tih loh theih reng, Lalpa avanga kan tihte hi RINGTU kal kawng tur chu a ni dawn lo'm ni?

Bible chhunga mi ni lo,

danglam ngam mi pakhat chanchin han tar lang leh ila, Chu chu tu dang ni lovin, kum 2009-a, Miss USA thlanna a, California state aiawhtu, Carrie Prejean kha a ni a. Ani kha a hmel a tha a, a thluak a tha bawk a, round tinah a che tha em em a, Miss USA ni tura mi rin kai ber a ni. Mahse round tawp berah khan zawhna khirh tak/ inhnialna cho chhuak thei tak a dawng a, chu zawhna chu Judge-te zinga pakhat, Perez Hilton-a zawhna a ni a, a ni kha a ruka gay a ni a, internet-a milarte thu nawi ziaktu, (Internet gossip columnist) lar tak a ni a, a zawhna chu hei hi ni. **'Tunah hian USA ab, neih in ang inneih phalna Dan hi states pali-ab hman a ni tawh a, state dang zawng zawng pawh hian, an hmung zuia Dan anga phalna pek ve hi thil tih awm takah i ngai em?'** tih a ni a,

Carrie Prejean chuan ti hian a chhang a, **"American-te hian a eng emaw zawk zawk kan thlang thei hi**

*ropui ka ti a, neih inang inneihna emaw, neih in ang lo inneihna emaw, a eng emaw zawk zawk thlan theihna ramah kan awm a; mahse, kan ram leh kan chbungkua chuan inneihna chu mipa leh mi nu inkara awm tur chauhvah a ngai a, kei pawhin inneihna chu mipa pakhat leh mi nu pakhat te, inkara awm tur chauhvah ka ngai a ni,” a ti.*

Kha zawhna leh chhanna video kha Perez Hilton-a’n internet a, a website-ah a dah hnu phei chuan media-ho ngaihven a hlawh zual a, a dem zawng, comment a tam em em mai a, Hilton-a chuan tihian a ziaak a, *He nu hian mi tam tak hnawl zawngin chhanna rapthlak tak a pe a ni-* a ti a, ABC News hnenah pawh tihian a sawi a, *Carrie Prejean hian a zawhna chhanna avangin Miss USA lallukhum hi a chàn a ni-* a ti.

Carrie Prejean pawhin ti hian a sawi ve a, *“Thu tak*

*(truth) ka sawi chuan tuna intihsiakna ka beih mekab hian nghawng a nei dawn tih ka bria, Miss lallukhumte, New York khawpuia In nuam tak (luxury apartment) te, hlawh sang tak leh Miss USA nihmain a ken tel thil zawng zawngte ka chan dawn tih pawh ka ring a ni. Chutih rualin tuna kan inelnaab hian hma hruai vein ka inbria a, barsa ti tak chung khan, tute mah tina lovin, an ngaihdam mil, chhanna pe ta ila chu, Miss USA ka nih ngei pawh ka ring a ni ,” a ti.*

Tin, a sawi zel danin, Miss USA contest-a tel tura amah thlang tlingtu leh thawntu, California-a beauty pageant official te pawhin *betiang hmunah i rinna pho chhuah a ngai lo-*tiin, ka thusawi tawhah khan ngaihdam dil turin min nawr nasa hle a ni- a ti bawka ni.

Carrie Prejeani’n a tan chu PATHIAN THU a ni a, a

ngawng tur pawh a hria, chuti chung chuan, a rinna leh a ngaihdan chu huai taka sawi chhuakin, a danglam ngam a ni.

Tin, tunlaiah thalaite zingah sex hman a hluar hle a, Christmas leh kumthar vuak vetah te phei chuan a hluar zual a ni -an ti. Chuti- tiang khawvela cheng kan nih avangin, *Nupui/Pasal ka neih bma chu sex ka hmang lovang*-tia mahni intiam tlat hi ringtu/thalaite tan, danglamna a va ni dawn em, ka ti a ni. Kan lo bawhchhe nual tawh a nih pawhin *tun atang chuan ka ti tawh lovang*-tia intiam hi a la tlai reng reng lo a ni. Tirhkoh Paula chuan inngaih-na hi ti hian a lo sawi a, *inngaihna sual hi tlansan rawh u, mibring thil sual tih apiang hi taksa pawn lama tih a ni, inngaihna sual miin a tih chuan, ama taksa chbunga thil sual ti a ni*-tiin. (IKor 6:18)

(I Kor 6:9-10) ah inngaih hmangten Pathian Lalram an

luah loh tur thu a sawi bawka, eng ang khawpin sawi chiang mah se khawvel mite chuan an pawisa reng reng lo, chuvangin hemi kawngah pawh hian khawvel dan anga awm lovin i danglam ngam ang u.

#### (5) Ringtu chu khawvel thian a ni tur a ni lo.

(Jacoba 4:4) *Nangni uire-nute u, khawvel thian nihna hi Pathian hmelma nihna a ni tih in bre lovin ni? Chuti-chuan, tupawh khawvel thian nih duh apiang chuan Pathian hmelmaah a in siam thin a ni.*

He tah hian uire-nute u- a tih hi a taka uirete sawina ni lovin, ringtu nun leh khawvel nun chawlh pawh thinte a sawina a ni a, Pathian mi ni si a khawvel lam thilin a hip tlatte sawina a ni. Chuti- tiang chu Pathian mit hmuhah chuan uirena a ni a, chuti- tiang mi chuan Pathian hmelmaah a in siam thin a ni.

Comedian search-a mi

pakhat fiamthu kha ka'n share ve ang che u, tihian a ti a, *“Football khelb kha a thiam awm lo mai mai a sin, a khelb tan atanga a tawp thlengin khawi lam tang zawk nge a nih an bre thei lo,”* a ti a ni.

Ringtu nun pawh hi hetiang hi a ni thei hle dawnin ka hria, a changin Pathian lamah kan tang a, a changin Setana lam tang kan ni leh a, chutiang reng renga kan dam chhung hun kan hman chuan, tu lam tang zawk nge kan nih hriat a har ve ngawt ang.

Bible-ah hian Pathian mi ni si, khawvel ngaina tak, kan hmu hnual a, pahnih khat lo tar lang dawn ila.

**(i) Dema :** Dema chu Tirhkoh Paula te rawng bawlpui a ni a, Kolosa 4:14-ah chuan *Luka, doctor dub tak leh Dema hian chibai an buk a che u*-tia tirkoh Paula'n a ziah avangin kha tih hunlai kha chuan Luka nen pawh

rawng an bawl dun a nih a rinawm a; mahse, (II Tim 4:10)-ah chuan Paula'n Dema chanchin a ziah dan chu a dang ta daih mai le. *Dema chuan tunlai khawvel hi a ngainat avangin mi kalsan a, Thesolonica khuaab a kal ta si a-* tiin.

Thesolonica khua kha khawpui lian, sum dawnna hmun pui a ni a, Dema'n a pan pawh kha a awm hle a ni. Dema chanchin hi hriat zui a ni lova, kan hriat theih chhun erawh chu khawvel thilin a hip avanga Pathian rawngbawl tura a inpekna pawh hlen zo ta lo a nihna hi a ni awm e. Ringtu chu Dema anga khawvel thil uma Lalpa hna leh Lalpa mite kalsantu kan nih loh a pawimawh hle dawn a ni. Ringtu tan chuan Pathian rawngbawl hna hi hun eng emaw chhung chauh va thawh tur ni lovin, dam chhunga kan thawh tur a ni.

**(ii) Lota :** Lota chanchin chu kan hre vek a, thui tak sawi ka tum lo, Ur khua atangin



Pathianin Abrahamana a ko chhuak a, Lota hi Abrahamana nau fapa a ni a, koh chhuah ve loh, Abrahamana'n a hruai a ni. Kum eng emaw zat a liam hnu chuan, an ran vulhte a lo pung nasa tawh a, an chhiah-hlawhte inkarah ran tlatna hmun inchuha, intih buaina, a thlen tak zeuh zeuh avangin inthen mai zai an rel ta a, Abrahamana khan Lota chu a ram duh lam thlang turin a ti a, Lota chuan a hmasial takin Jordan phai zawl ram tha tak mai chu a thlang a, Sodom leh Gomora khuaa suah-sualna nasatzia pawh a hria a; mahse, a hnual suat phal lo, a chhan chu a ram kha a that em avangin.

Tichuan Lota chuan Sodom khua thlengin a Puan In chu a va kaih ta zel a, tiin Bible-in min hrilh a nih kha! Lota khan an chhung-kaw thlarau lam nun ai chuan khawvel hausakna a um zawkan ti thei ang.

Tichuan ni khat chu Sodom khuaah Vantirhkoh

pahnih an kal a, Lota'n an in a thleng tura a ngen chiam avangin an inah an thleng ta a. Chu Vantirhkoh Pahnihthe chuan Sodom khua chu Lalpan tih boral a tum thu leh Sodom khua atanga an chhuangkua, an makpate nen lama chhuak turin an hrilh a, chutah pawh chuan Lota chuan Sodom khua chhuahsan chu a hreh hle a, a vuaicha hle a nih kha! A makpa te lahin fiam thua an lo ngaih-sak a, chuvangin Vantirhkoh-te khan Lota te chhungkua chu an boral tak ngial dawna an hriat avangin, a hnihin an hnuk chhuak ta a ni. Vantirhkohte khan khaw pawnah an dah a, an him nana tlan turin thu an pe a, hnung lam leh-hawi hauh lo turin an chah bawk a; mahse, nu berin Vantirhkoh thuchah, awih lovin hnung lam a lo hawi zauh avangin, chi lungah a chang ta a, an pafa thum chauh khan pukah an cheng ta a ni tihte kan hria a, khaw--vel thil um tak Lota tawpna chu a ropui lo hle a ni.

Chuvangin ringtu chuan awm hmun khuarna tur a thlannaah te, hna a thlannaah te, a fimkhur hle tur a ni a, hlawkna aiin amah leh a chhungkaw thlarau lam nun a ngaihtuah hmasa ber tur a ni. PATHIAN THU tha taka a awih theih lohna tur hna te, chawlhni tha taka a serh theih lohna tur hnate a thlan loh ngam a pawimawh hle a ni. Tin, Lota nupui thuawih lohna leh a khawvelna kha a chhungte dang zawng aiin a hrilhfakawm zawk a ni ang e, Lal Yeshua pawhin Luka 17:32-ah khan **Lota nupui bre reng rawh u-** a lo ti hial a ni. Lota nupui kha engkim kalsana a him nana, tlan chhuak tura koh a ni a; mahse, khawvel a lung lenna chuan, thupek zawm thei lovin a siam a, a nunna a chan phah ta a ni tih vawiin ni thlenga hmuh theiha la awm khuan ringtu nunah thu sawi nawn reng se a duh awm hle a ni.

Aw le, a tawp ber atan (Gal 2:20) thu hi lo chhiar ila,

Tirhkoh Paula chuan, ti hian a ti. **Messia hnena khen-behin ka awm ta, nimahsela, ka nung a ni, keimah erawh chu ka ni tawh lo, Messia chu keimahab a nung tawh zawk a ni-** a ti. A duh zawng nung thin, Paula kha, a duh zawng ni tawh lovin Messia duh zawngin a nung tawh zawk a nih chu! Chu chu RINGTU nun dan tur dik tak chu a va ni em! **Keimah erawh chu ka ni tawh lo, Messia chu keimahab a nung tawh zawk a ni-** ti ve thei turin thlarau thianghlim chuan min chenchilhin min tanpui theuh rawh se.

LALPAN A THU MAL-SAWM RAWH SE.

*(He thu hi Aizawl Circle Conference vawi 31-na, Zuangtui Kohbranin an thleng tum, November 3-5, 2023 chhunga Inkhawmpui Thupui "Ringtu nun dan tur -Mimalah" tih hmanga Evan Vanlalsawmi sawi rawn tihchhuah a ni e.)*

## MIZOTE LEH FA ENKAWL DAN

Benjamin Lalrinawma

Mizote hi fa duat tak hnam kan niin a lang a. Mi tam tak an tar kûn thlenga an tu leh fate la enkawl chhunzawm leh buaipui kan awm thin a ni. Mizote zingah hian nu leh pa in leh lo pawh chhuahsan hlei thei lova nupui fanau neih thlenga châwm ngai leh dawm kân ngai tam tak kan awm a. Chu mai ni lovin, nuthlawi tawh hnu thlenga fate nena nu leh pate bawh buaipui ngaia khawsa leh thin tam tak kan awm a ni. Hetianga kan inenkawl dân leh kan induat nasat dan hi ngaihtuah chian ngai leh ennawn ngai niin a lang.

Dan naranin Mizote mai ni lo, hnam dang leh ram dangah pawh ni sela, fate duat lo leh hmangaih lo hi chu khawvelah an awm lo vanga; amaherawhchu, puitling tura kan fate kan enkawl danah erawh hi chuan nasa takin hnam changkang leh ram changkang abikin, khawthlang ramte khu chu kan tluk lo hle niin ka hre thin a ni. Khawthlang ramte khu tehfung berah tun tumah hian hman kan tum dawn lo

va, Mizote bika fa kan enkawl danin a hrin chhuah tha lo leh kan thanmawh bawk nia ka ngaihte tar langa, chumiina nghawng tha lo a neihte zir chhuah kan tum dawn a ni.

Mizote hian kan fate hi kawng engkim deuhthawah hian kan ring zo har em em a. Chuvang chuan kan fate hi tanpui leh thil tihsak vek hi kan tum thin a, anmahni chhia leh tha hriatna hmanga ngaihdan siam

turin hun kan siamsak tlem hle niin ka hre ṭhin. Hemi avang hian Mizo naupang, rawlthar aṭanga puitling thlengin mahni chhia leh ṭha hriatna thûk tak hmanga kala thil ti thei pawh hi kan tlem khawp mai. Hetia en mai pawha kan hriat theih tlem azawng han tarlang dawn ila a ṭha awm e. Kan fate an lo leikâng deuh a, High School vel an lo rah chhoh chinah pawh an mahniin admission takngial pawh kan lâktir phal lo va, kan ring zo lo va, nu leh pate bawkin kan buaipui leh ṭhin a. Mobile phone games khelh pawh thiam tak kha an mahni thuamhnaw leh chhungkaw mamawh takngial pawh bazartir kan remti leh lo zel a. Kawng engkimah nu leh pa, ûte kan inthawh ta zel a. Chumi avang chuan naupang rilru ṭhan chhoh (in develop) laia an mamawh ngawih ngawih, thluak exercise-naina a hrin chhuah heng thiamna: creativity (thil

ngaihtuah thiamna), intelligence (finna), common sense (chhia leh ṭha hriatna hotê), presence of mind (chawpchilha rilru siamrem thiamna), confidence (mahni inrintawkna) leh a dang tam tak an tlachham ta ṭhin a ni.

Kan in enkawl danin a zir loh miau avangin naupang ṭhang chhovin a mamawh ngawih ngawih a chung a. An lo upat deuh hnuah khitiang ang nihna (quality) nei turin kan nawr leh chûk chûk a. A hnuah i nikhua si lo, chumi khami pawh chu i tluk lo, i mawl baw si kan ti leh vak ṭhin. An ṭhan lennain a zir loh avangin upat hnuah quality ṭha a neih ngawt theih ta si lo va. Chumi avang chuan nula tlangval nikhua lo leh mahni inring taw lo zet, mahnia office pawh dawr ngam lo, BA, MA zir tawhin online-a form fill-up tur leh thil dang dang buaipui ngai

pawh ti hlei thei lo, mahnia inentir tura kal thei lo, engkima rintlâk lo leh rin ngam loh hi chhungkaw tin hian kan kawl deuh fur niin a lang a ni. Chumai a la ni lo, nu leh pa thawh chhuah ringa fa nei ve ngawt te, nu leh pate hlawh rin ngawr ngawr tum kan fate zingah hian an va tam tawh tak em tirawh u?

Heng zawnz zawnz hi eng vang nge ni ang kan tih chuan, kan inenkawl no luat leh kan induat lutuk vang a ni ber ang. Mizote hian fate hi kan duat mai ni lovin kan ðan hlur hrim hrim a. Hei hian naupang rilruah nu leh pateah inngah tawpna leh rin burna a siam a. Mahni kea ðin leh kawng insah kuak tumna rilru min neihtir lo va. Chuvang chuan a theih chin chinah nu leh pate zârzoa awm ngar ngar kan tum ta ðhin a ni. Nu leh pa tam tak hian thil chin dan ðha lo zet mai kan nei a. Chu chu hei hi a ni: kan dam

chhung na na na chu fate u buai suh u tih leh, in pa ka la dam ve ðek ðek chung hi chuan lungngai suh u tih kan ching khawp mai. Hei hi inthlamuanna ðha lo tak niin ka hria. He ðawngkam avang hian naupang chuan mahni ngeia inkhai chhuah a tum loh phah a. Nu leh pa an thih hnua an khawsak dan tur pawh hre lek lovin a theih chin chinah nuam an tawl a, thawveng takin an nung ta ringawt mai ðhin a ni.

Hei hian rah ðha lo tak mai Mizo chhungkuaah hian nasa takin a thlen mek a ni. Nu leh pa tam tak hemi avang hian an sawrkar hna thawh an pension thleng rakin an tu leh fa châwm leh buaipuiin an tal buai a; chumai ni lovin, mahni fate in leh lo saksak zel kan la ngai ðhin te hian a ram leh hnam ang zawnz pawh hian min tichhangchhe hle niin ka hre ðhin. Nu leh pate hi thlankhur an luh thleng hian

an mahni tan hian an nung hman lo hi a ni ber a. Fate hian dik tak chuan kan tirethei ngawih ngawih a ni. Eng vang nge tia a chhan kan zawn chuan, a tir atanga kan in enkawl dan a fuh loh zawk vang hi a ni. Hengah hian nu leh pate hian a mawh an phur lian zawk niin ka hre thin a ni.

Thufing pakhat chuan, “*I fa chu sangha ei dan zirtir sub, a man dan zirtir zawk rawh*” a ti a. He thufing hi kan inenkawl danah hian seng luh a tha khawp mai. Kan fate hi spoon-feeding (kan nau chawbarh) mawlh mawlh a. An mamawh leh duh apiang an mahnia tihtir lovin, kan pe a, kan tihsak zel a, kan buaipui a, a tawpah kan hahpui a, keimahni pawh kan tlakchhiat phah thin a ni. Sangha ei dan ringawt zirtir na na na chuan a man dan a thiam thei lo a ni. Chuvang chuan kan fate hi puitlinter kan duh a, an mahni kea din chhuah-

tir kan tum a nih si chuan khawvela harsatna leh thil hreawm tinreng hi paltlang-tir phal tur a ni. Chutah chuan harsatna eltiang pawh tawk se, puihbawm bak piah lama engkim tihsak vek mai kan chin thin hi sim a hun hle a ni. Hei vang hian an puitlin loh phah a, mahnia thiltih an ngam lo va, an peih lo va, a tawpah thatchhia leh tawmkailo zet an lo nih phah thin a ni.

Sangha man dan zirtir hmasa, nu leh pa chuan sangha ei tur an zawnsak reng a ngai lo va. A man dan a faten an thiam avangin an mahniin an man a, an duh hun hunah an ei mai thin a ni. Nimahsela, nu leh pa fing lo chuan an fate sangha ei dan ringawt an zirtir a, a man dan an zirtir leh si lo va. Nu leh pa in an mansak a, an kâah an barh zel a lo ngai a. Chu chu nu leh pain an tithei reng si lo va. An lo thiha an fate an kalsan meuh chuan an fate chu laktlak lo


leh ṭawmkailo zet, rilṭam tuihalin an kalsan phah ta ṭhin a ni.

Kan inenkawl danah hian nu leh pate hi kan inher rem a hun tawh takzet a. Mama, nupui i neih hm̄ain in leh lo i neih theih loh pawhin in luah hrang hmasa phawta nupui nei turin ṭan la rawh aw kan intih hi a hun tawh viau a ni. ‘Mama hi chu a te ber a nia kan bulah a awm ang,’ han tih bur te hi kalsan a hun viau. Kan monu hi chu kum khat tal kan bulah awmin a tha kan chhawr ve tur a ni han tih te hi sim a hun takzet a ni. Kan fate hmasawna kha kum eng emaw zatin kan tikhawtlai tih hriat reng a ṭha.

Ni e, kan fate chu kan hmangaih ang a, kan duat tur pawh a ni. Amah-erawhchu, kan dampui reng dawn lo va, kan ṭanpui thei reng dawn lo a ni tih kan hriat tel a ṭha bawkw awm e. Chuvang chuan puitling

tura thu infah satliah mai lovin, a practical (a tak taka tih dan) a kan inzirtir leh kan intih tir hi a hun tawh takzet a ni.

Kan Pathian thu pawhin, “*Naupang chu a kalna awm kawngah chuan zirtir ula, a puitlin hun pawhin a thlah lo vang,*” a ti a. Chuvang chuan naupang hi an lo leikâng deuh a, mahnia thil tithei rual an nih chuan, nu leh pate hian ring tawkw taka an mahnia thil tihtir zel chin hi a ṭha a. Eng kawng pawh zawh dawn se an mahni chhia leh ṭha hriatna hmang- a dai tir zel hi a finthlak a. Mahnia inchawm thei an nih hnu phei chuan an duh phawt chuan in dan tir pawh hreh loh a ṭha a ni. Hetianga kan tih theih hun hunah chuan tuna Mizo nu leh patena fate avanga harsatna kan tawh tam tak hi chu kan su kiang thei em em ang tih ka ring tlat a ni.



## MISSION RAWNGBAWLNA



Pastor  
Naresh Hembrom



Pastor  
Haggai Basumatary

### **Pastor Naresh Hembrom:**

Assam and W. Bengal Circle Pastor pahnih zinga pakhat zawk hnen atanga thu dawn danin September 26, 2023 khan a chenna Samuktala atangin Odisha panin a chhuak a. Ni 28-ah Bodkashira a thleng a. Rawngbawlna neiin ni 9 a cham chilh hnuah Bus-in Baripada a pan leh ta a ni. Odisha State atang hian Jharkhand State lamah a chho leh ta a. Ranchi District chhunga Khunti khuaah kal lehin rawngbawlna a

neih leh a. Heta tang hian October 10, 2023 khan Rel-in an khaw lam a pan leh ta a, ni 12-ah an khua a tlang leh ta a ni.

Bodkashira-ah hian Koh-hran member tharte baptisma a chantir a, remchang hmasa bera kal leh turin an inthlah ta rih a ni.

Ring thar, Lalpa Yeshua hminga baptisma changte chu:

1. Mr Raju How (29)
2. Mrs Chandon How (25)
3. Mr Jira Banra (32)
4. Mrs Ginga Banra (27)



## MISSION RAWNGBAWLNA

### **Pastor Haggai Basumatary**

Ethanim 10 chhun laiah, Unaupa Amarsingh Haripal (Kum 50), Nonaipara T.G., Udalguri District, Assam a mi chu Baksa District-a Khaterbari luiah, Pastor Haggai Basumatary-in Yeshua hmingin Baptisma a chantir. September 26, 2023 khan Odisha a kal a, District pali a fang a, khaw eng-emaw zatah Messia Chachin tha hrilin hun harsa tak karah mite a kawm a. Pathian venhimna a chang zel a, amah zuitu mi eng-emaw zatte nen ringlo mite zingah rawng an bawlho a ni.

Khaw thenkhatah phei

chuan an khuaah rawng-bawla luh an remti lo hial a, nimahsela him damin an chhuahsan leh thei mai thin. Odisha-ah hian SDA unaute zinga mi nen an intawng a. Chung mite zinga mi 18 chuan kan Kohhran rinna leh zirtirna min pawmpui a. Ni 11 a cham chhungin anniho leh Hindu mi leh sa te tiamin member 25 an lalut a ni. Haleluyah. Hemi hnuah hian Jashipur khua, Mayurbhanj District, Odisha-ah Pastor Naresh Hembrom nen an inhmu a, ani nen hian Jharkhand, Khunti khuaah zan khat leh ni hnih chamin an kal leh a. Rawngbawlpui hmelhriat tawhte leh mi tharte nen hun tha tak an hmangho a ni.